


Jelā melele ko kin COVID-19



Ta in COVID-19?

COVID-19 ej juon nañinmij ekāāl einwōt būlu im mejin ej walok jen coronavirus eo ekāāl. Meñe elōñ armij rej eñjaak kakōlle in nañinmij ko rejab lab, ak jet elukkun kauwōtata aer nañinmij im rej mij jen kij in nañinmij in. Ekanooj in lab an COVID-19 kabobo. Ewōr uno ko ibbem rej jibañ ro elab an kauwōtata aer nañinmij bōtab ejellok jejjetin kōmadmōd ñan nañinmij in.



Ewi wewein an coronavirus eo ajeded?

COVID-19 ej ajeded jen armij ro ewōr im ejellok aer kakōllein nañinmij im elabtata jen pillil in dān ko rej diwōjlok ilo ien aer emenono ñe armij in ewōr kij eo ibben enaj bokbok, maje, ak kenono. Pillil kein rej kanañinmij ro jet ilo aer kebaak tutu ko ilo botin, loñin, mejen, im ārin armij. Ewōr lōmnak ke ekkā an walok men in ilo ien armij rej kebaak doon - ediklok jen jiljino ne. COVID-19 emaroñ bar ajeded ilo ien juon armij ej jibwe juon men eo ilo an kij eo bed innem jibwe loñin, mejen, ak botin.

Ta kakōlle ko im ewi joñan an kauwōtata COVID-19?

Ilo ien eo ej walok kij in COVID-19 eo ibbeir emaroñ wōr elōñ oktak in kakōlle ko. Armij ro ewōr kij eo ibbeir ekkā an ejellok kakōlle ibbeir ñe ejab edik kakōlle ko aer im einwot nañinmij in mejin ak būlu. Ro jet rej eñjaak an kauwōtata kakōlle ko aer im rej aikuj deloñ aujbitōl, uno, im jet ien rej likūt er ilo kein kōmadmōd eo ej jibañ emenono. Elōñ ro ej walok kakōlle ko rekauwōtata im uwōta ñan mour rej rūtto ak ewōr kadede aer nañinmij ko jet. Emōj an wōr keij in ajiri im jodikdik ro im rūtto ro jet emman ejmour eo aer im rej eñjake nañinmij eo ekauwōtata im reaikuj deloñ aujbitōl.

Kakōlle ko



Bokbok



Bio



Biba



Metak bōro



Metak majel



Kajjinōk ak abañ an emenono



Ekāāl im ejellok nemen ak bwiin jabdewōt



Wōn ro rej bed ilo uwōta?

Kijwōj ej bed ilo uwōta -kij in ebidodo an ajeded jen armij ñan armij. Emōj bar kowalok ke ej ajeded jen kajojo armij ro eiēt ak ejellok kakōlle in nañinmij ibbeir. Kiō kimij melele ke rūtto ro, ro ewōr aer nañinmij ko rejab jemlok, ro rej jokwe ilo jikin kejbarok ko ewōr jarin armij, im rijerbal ro ilo jikin ejmour elab aer bed ilo uwōta ñan an walok nañinmij ko rekauwōtata ñan mour.



Ewi wewein aō kejbarok ña make im ro jet?

Men ko kwōmaroñ kōmmane ekoba:

- Ilo ien am bed ilobelej bineje loñiōm im botim - ekōnak kein kalbubu māj
- Ikut am kwal beim
- Bed jiljino ne (ruo jenkwān elab) ettolok jen armij ro rejab jokwe ilo kapijukunen eo am (kōttolok jen enbwinnin ro jet)
- Jab bed ijoko ko elab an loñ armij ie
- Bed wōt mweo imōm im ejab iturin ro jet ñe kwōnañinmij
- Karreo im manman kij ioon men ko im ijoko ekut jibwi
- Ñe ejino walok kakōlle ko ibbem ilo ien am bed ilo jikin jermal ak ijoko ilobelej, rool ñan mweo imōm, kōjenolok kwe make im kebaak taktō eo am
- Ñe kwōjelā kwōj iten maje - etal jen iturin ro jet im bineje loñiōm im botim (beba tissue ak iloan jimwin beim jekdon ñe kwōj ekōnak kein kalbubu māj)
- Elañe kwe juon rūtto ak ewōr kadede am nañinmij - bed wōt ebaak mweo imōm, jab iturin ak kebaak armij ro jet

Maroñ riiti beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Eymour eo ilo 1-971-673-2411, 711 TTY ak COVID19.LanguageAccess@dhs.oh.state.or.us.

Oregon Health Authority
RA IN EJMOURIN LOBELEJ